

საქართველოს ტექნიკური უნივერსიტეტი



პროფესიული განვითარების ცენტრი

დებულება

დამტკიცებულია წარმომადგენლობითი საბჭოს მიერ

„14 „აღნის 2014წ., № 8 დადგენილებით

თავი I

- 1.1 „საქართველოს ტექნიკური უნივერსიტეტის პროფესიული განვითარების ცენტრი“ შექმნილია სტუ-ს (შემდგომში უნივერსიტეტი) „პროფესიული განვითარების, მეცნიერების, განათლებისა და კულტურის ცენტრის“ ბაზაზე, რომელიც შექმნილი იყო 2006 წლის უნივერსიტეტის რექტორის №10 ბრძანებისა და 2007 წლის უნივერსიტეტის ადმინისტრაციის ხელმძღვანელის ბრძანების №103/03 საფუძველზე. შემდგომში „პროფესიული განვითარების, მეცნიერების, განათლებისა და კულტურის ცენტრის“ დამტკიცებული იყო უნივერსიტეტის აკადემიური საბჭოს 2010 წლის 17 მარტის №45 სხდომის მიერ №7 დადგენილებით და წარმომადგენლობითი საბჭოს 2010წ. ----- დადგენილებით.
- 1.2 სტუ-ს წარმომადგენლობითი საბჭოს მიერ 2014 წლის --- მაისს დამტკიცებულია ცენტრის ახალი სახელწოდება „საქართველოს ტექნიკური უნივერსიტეტის პროფესიული განვითარების ცენტრი“ (“Center of Professional Development of Georgian Technical University”).
- 1.3 ცენტრი თავის საქმიანობას წარმართავს საქართველოს კანონმდებლობით, უნივერტისიტეტის წესდებით, წინამდებარე დებულებითა და ასევე უნივერსიტეტის სხვა აქტებით და ანგარიშვალდებულია აკადემიური საბჭოს წინაშე.
- 1.4 ცენტრის თანამშრომლები ვალდებული არიან დაიცვან უნივერსიტეტის შინაგანაწესი, ეთიკის კოდექსი, დისციპლინური პასუხისმგებლობის ნორმები და წინამდებარე დებულება.
- 1.5 ცენტრის აქვს ბეჭედი უნივერსიტეტის და საკუთარი სახელწოდებით.
- 1.6 ცენტრის მისამართია: 0171 საქართველო, ქ. თბილისი, კოსტავას 68, სტუ-ს I კორპუსი.

თავი II

ცენტრის საქმიანობის მიზნები და ძირითადი

მიმართულებები

- 2.1 ცენტრი ემსახურება უმაღლესი და პროფესიული განათლების საერთაშორისო სტანდარტების დანერგვას სწავლის, სწავლების, სამეცნიერო კვლევის ერთიან სივრცეში.
- 2.2 საერთაშორისო ფონდებთან, ორგანიზაციებთან და საგანმანათლებლო დაწესებულებებთან თანამშრომლობის საფუძველზე ცენტრი ხელს უწყობს პროფესორ-მასწავლებელთა და სტუდენტთა მომზადება-გადამზადებას, ხარისხის და კვალიფიკაციის ამაღლებას როგორც აკადემიურ, ასევე პროფესიული განათლების სწავლების სფეროში; თანამედროვე საგანმანათლებლო ტექნოლოგიების შემოღებასა და გავრცელებას; ეროვნული და ზოგადსაკაცობრიო კულტურული ღირებულებების პოპულარიზაციას და მხარდაჭერას; საქართველოს ტექნიკური უნივერსიტეტის სტუდენტთა და პროფესორ-მასწავლებელთა შემოქმედებითი უნარ-ჩევების განვითარებასა და გაღრმავებას .
- 2.3 ცენტრი თავისი მიზნების შესრულებას აწარმოებს სამეცნიერო, საგანმანათლებლო, კულტურულ-შემოქმედებითი პროექტების დამუშავებისა და განხორციელების გზით. აწყობს კონფერენციებს, სემინარებს, ტრეინინგებს, კოლოქვიუმებს, ვორკშოპებს. ცენტრთან არსებული გალერეა „უნივერსის“ ბაზაზე გამოფენებსა, შემოქმედებით საღამოებს და კონკურსებს.
- 2.4 ცენტრი აქტიურად თანამშრომლობს ადგილობრივ და საერთაშორისო სამეცნიერო, საგანმანათლებლო და კულტურულ დაწესებულებებთან და ორგანიზაციებთან; აგრეთვე სხვადასხვა ფირმებთან და კომპანიებთან სახელშეკრულებო ურთიერთობების საფუძველზე, საქართველოს ტექნიკური უნივერსიტეტისა და სხვა მოწვეული სპეციალისტების საშუალებით, ახორციელებს პრაქტიკული გამოყენების საინჟინრო –

ტექნიკური და ინფრასტრუქტურული ობიექტების პროექტირებას, ტექნიკურ და ეკონომიკურ ექსპერტიზას. ეწევა საკონსულტაციო საქმიანობას სხვადასხვა საინჟინრო მიმართულებებით. თანამშრომლობს უცხოეთის სხვადასხვა უნივერსიტეტების ექსპერტებთან როგორც საგანმანათლებლო, ასევე სამეცნიერო და კულტურულ სფეროში.

- 2.5 ცენტრის საქმიანობაში მონაწილეობა შეუძლია განათლების, საინჟინრო მეცნიერებებისა, და კულტურის სფეროში პროფესიული განვითარების საკითხებით დაინტერესებულ ნებისმიერ პირს.

თავი III

ცენტრის მართვა

- 3.1 ცენტრს ჰყავს ხელმძღვანელი, რომელიც ინიშნება უნივერსიტეტის რექტორის მიერ.

ცენტრის ხელმძღვანელი არ არის ადმინისტრაციული თანამდებობის პირი.

ცენტრის ხელმძღვანელი უფლებამოსილია:

- შეიმუშაოს და დაამტკიცოს ცენტრის საშტატო განრიგი და პერსონალის თანამდებობრივი სარგოების (ხელფასის განაკვეთის) ოდენობა.
- განახორციელოს კონტროლი ცენტრის თანამშრომლების მიერ მათზე განპირობებული სამუშაოს დროული და სრული მოცულობით შესრულებაზე. მოაწყოს ცენტრის სამეცნიერო, საგანმანათლებლო, კულტურული მიმდინარე და სამომავლო პროექტების პრეზენტაციები.
- განახორციელოს ცენტრის ეფექტური მართვისა და ფუნქციონირებასთან დაკავშირებული სხვა ყველა აუცილებელი საქმიანობა.
- ცენტრის ხელმძღვანელს, საკუთარი კომპეტენციის ფარგლებში, ენიჭება პასუხისმგებლობა ფულადი სახსრების მიზნობრივად და სწორად ხარჯვაზე, სამეცნიერო სამუშაოების და საგანმანათლებლო საქმიანობის

მოცულობის, მიმართულებების შესრულების ვადების, შინაარსის და ხასიათის განსაზღვრაზე. ასევე პერსონალის შრომით უსაფრთხოებაზე.

- ცენტრის პერსონალი შედგება:
სამეცნიერო, სასწავლო, შემოქმედებითი და დამხმარე პერსონალისგან.
 - ცენტრის პერსონალის წევრები ინიშნებიან და სამუშაოდან თავისუფლდებიან უნივერსიტეტის რექტორის მიერ ცენტრის ხელმძღვანელის წარდგინების საფუძველზე.
 - ცენტრის ხელმძღვანელი ახორციელებს იურიდიულ და ფიზიკურ პირებთან ხელშეკრულების გაფორმებას უნივერსიტეტის მიღებული წესისა და ფორმების შესაბამისად.
 - ცენტრის ხელმძღვანელი ანგარიშვალდებულია გაწეული საქმიანობის შესახებ წელიწადში ერთხელ მოახსენოს უნივერსიტეტის აკადემიურ საბჭოს.
- 3.2 ცენტრის ხელმძღვანელი (0,5 საშტატო ერთეული),
- 3.3 ცენტრის ხელმძღვანელს ჰყავს მოადგილე (0,5 საშტატო ერთეული), რომელიც მტკიცდება უნივერსიტეტის რექტორის მიერ ცენტრის ხელმძღვანელის წარდგინების საფუძველზე;
- 3.4 მთავარი სპეციალისტი (0,5 საშტატო ერთეული);
- 3.5 უფროსი სპეციალისტი (სამი საშტატო ერთეული);
- 3.6 სპეციალისტი (სამი საშტატო ერთეული);
- 3.7 უფროსი ინჟინერ-პროგრამისტი (0,5 საშტატო ერთეული);
- 3.8 ინჟინერ-პროგრამისტი (0,5 საშტატო ერთეული);

თავი IV

ცენტრის ქონება, ფინანსები და დაფინანსების წყაროები

4.1 ცენტრი სარგებლობს უნივერსიტეტის ქონებით, მისი მატერიალურ-ტექნიკური ბაზის და ძირითადად განთავსებულია საქართველოს ტექნიკური უნივერსიტეტის I კორპუსის მარცხენა ფლიგელში და უკავია ფართობი, რომელიც შედგება:

- გალერეა „უნივერსი“-ს საგამოფენო ფართი 220კვ.მ. I სართულზე;
- ოფისი საერთო ფართით 70კვ.მ. I სართულზე;
- სააქტო დარბაზი ფართობით 75კვ.მ. II სართულზე;
- ცენტრის კომპიუტერული ლაბორატორია (NATO-ს ცენტრი) საერთო ფართით 40კვ.მ.;
- სალექციო აუდიტორია № 217 საერთო ფართით 30კვ.მ მეორე სართულზე;
- ცენტრის სარგებლობაში შედის სამშენებლო პროფესიების სწავლებისათვის საქართველოს განათლებისა და მეცნიერების სამინისტროს პროექტის ფარგლებში აშენებული და აღჭურვილი ორ სართულიანი სახელოსნო (დროებითი ნაგებობა) I კორპუსის შიდა ეზოში, საერთო ფართით (160კვ.მ.);
- ცენტრის სარგებლობაში შედის გალერეა „უნივერსთან“ მიმდებარე I კორპუსის შიდა ეზოს ნაწილი, რომელშიც განთავსებულია გალერიის სარდაფი და სამხატვრო სახელოსნო.

ცენტრის მატერიალურ-ტექნიკური სრულყოფა და განვითარება წარმოებს სახელმწიფო და საერთაშორისო გრანტებისა და შემოწირულობების საშუალებით.

4.2 ცენტრი არის დამოუკიდებელი სტრუქტურული ერთეული და მისი დაფინანსება წარმომართება როგორც საუნივერსიტეტო, ისე კომერციული საქმიანობის შედეგად საკუთარი ძალისხმევით მოძიებული დაფინანსების წყაროების საშუალებით და წარმოადგენს უნივერსიტეტის საფინანსო სისტემის ერთ-ერთ შუამდგენელ ნაწილს.

ბიუჯეტთან ანგარიშსწორება ხდება უნივერსიტეტის ბუღალტერიის სამუალებით, სადაც გახსნილი აქვს ცალკე ქვესაუწყებო ანგარიში.

- 4.3 ცენტრს უფლება აქვს უნივერსიტეტთან და ფაკულტეტებთან (რომელთა სახელოსნოების ბაზაზეც მას მიჰყავს გადამზადების პროგრამები სახელობო სფეროში) ანგარიშსწორების შემდეგ, მის ქვესაუწყებო ანგარიშზე დარჩენილი თანხები განკარგოს საკუთარი შეხედულებებისამებრ.

სამუშაოს წარმოების საფუძველს წარმოადგენს ხელშეკრულება დადებული დამკვეთსა/შემსრულებელსა და უნივერსიტეტს შორის, ცენტრის ხელმძღვანელის წარდგენის საფუძველზე.

- 4.4 გაწეული სამუშაოს ანაზღაურება წარმოებს ხელშეკრულების საფუძველზე.
- 4.5 ცენტრი საკუთარი საერთო შემოსავლის 5% გადასცემს უნივერსიტეტს.
- 4.6 ფინანსური და საბუღალტრო ანგარიშების ფორმები, ხელშეკრულებები, სამუშაოს მიღება-ჩაბარების აქტები, სწავლის დასრულების აღმნიშვნელი სახელმწიფო სერტიფიკატი და სხვა დოკუმენტაცია შეესაბამება უნივერსიტეტში მიღებულ ფორმებს.

თავი V

ცენტრის რეორგანიზაცია და ლიკვიდაცია

- 5.1 ცენტრის რეორგანიზაცია ან ლიკვიდაცია ხორციელდება საქართველოს კანონმდებლობით დადგენილი წესის შესაბამისად.
- 5.2 ცენტრის ლიკვიდაციის შემდეგ უნივერსიტეტს უბრუნდება ცენტრის სარგებლობაში არსებული ქონება.

თავი VI

ცენტრის დებულებაში ცვლილებებისა და დამატების შეტანა

- 6.1 დებულებაში ცვლილებებსა და დამატებებს შეიმუშავებს ცენტრის ხელმძღვანელი, რასაც განიხილავს და ამტკიცებს უნივერსიტეტის წარმომადგენლობითი საბჭო.

თავი VII

დასკვნითი დებულებები

- 7.1 წინამდებარე დებულება ძალაში შედის უნივერსიტეტის წარმომადგენლობითი საბჭოს მიერ დამტკიცებისთანავე.